



餘園詩鈔卷三目錄

五言律共八十九首

黃梅

咏春冰二首

北溪春泛

清和雨中姚西夢以聽鶯諸詩見示漫畲四章

揚州二首和杜牧韵

再和一首

聞笛



春暮過平山堂

揚子江

江上新月

中秋望江南諸山

是夜月下聞歌

十六夜

宿雲門寺

題戢山山下廢署

讀書落花下作

石荷葉花二首

牡丹

答友

賦得庭草無人隨意綠

秋夜聽雨

雨止後有作

題長安秋晚圖

秋霽晚蓮更艷欣然有作

秋甲子雨中採柏

鬪雞

鸚鵡

白蓮

朱魚

竹

茉莉

蘭

南歸漫興

賦橘

食菲

湖樓望雨

和陸穎谷詩

連朝秋氣澄霽不得出遊再疊前韵柬同人

梅影

闕里檜

手植楷

再和闕里檜肆上韵

再和手植楷壁上的韵

東闕門觀荷花和李巨來韵二首

午日即事

送友人歸江南

和汪苻洲學士移居聽雨樓原韵

奉送座主大司寇張公歸韓城

陶齋看菊花

徐壇長夢與余論杜詩竟夕醒來得十字工
妙無比足成之

秋日侍直

題采藥圖

嚴西武七十壽詩

送黃令之任石泉

寄友

雨後登慈悲庵高阜納涼同方貞觀作

輓金來雍

小集棗南書屋次韻

題李剝水明經傳後

長蘆院立秋有感柬魯南

餘園詩鈔卷三

男集梓校字

亭間繆沅澧南氏著

後學

沈德潛
金志章 編輯

五言律

黃梅

可怪花如盞翻疑雪作團
坵南雙樹綻硯北一枝
寒玉局檀初褪金猊香欲殘
軍持煩裏好傳與壁人看

九九霏薄霧冉冉結繁雲
黃雪空山落寒香世外
聞開時宜淡月嗅霧解微醺
冷艷文心切哦詩伴

漏分

咏春水二首

沈寥空作響黯淡恐非春片抵蟬紗滑光逾水鏡
新涉來真蹈尾倚汝是何人輕薄不堪恃滄鷗乃
與鄰

平野鷗蹲雪簷端雀啄冰坳中風骨整凹霞斷系
澄角絡煙消釋週遭霧鬱蒸綠波春水動界破已
千層

北溪春泛

夏淺春猶在留春畫舫中墨光溪有色雲氣水無

窮社鼓驚芳鳥神播飛彩虹團團如麗淨花影拂
舡紅

清和雨中姚西夢以聽鶯諸詩見示漫畲四
章

疎雨滴朝霽閒門掩碧苔惠休籠茗至姚合寄詩
來清響閔層閣茶煙上曲臺把君詩過日一讀一
徘徊

卧病桐間屋狂吟太瘦生淡中含古意詩外有鶯
聲高柳不藏徑孤雲時出城相期同眺聽斟酌賦
閒情

飽繫真堪笑蕭然上巳天還同脩禊客高話永和
年忽忽抄書倦昏昏中酒眠野夫携襜被明發渡
江船

彩毫君最愛多寫隔秋詩不厭頻頻寄耽吟絕妙
詞微曦埋屋角狂雨碎花枝心血銷殘後新來幾
白髭

揚州二首和杜牧韻

晚出瓊花路房皇帝子樓豈無沈醉客所恨是揚
州結襪二冬月吞聲千載遊紅冰彈復忍自負黑
貂裘

十三樓似水寒翠剩荒臺吳錦哀猶艷隋螢冷不
來斗牛輝雪片江海爛雲堆花月閒田地征衫未
可迴

再和一首

霜蝕一勾月煙埋六代樓風花凋后土歌吹冷揚
州小市增浮艷殘陽黯舊遊玉虛如可作應念救
貂裘

聞笛

蕭寂冰除下涼天月欲流何人吹玉笛引我上珠
樓幽怨難銷夏微波易染秋仙才成落寞長嘯起

龍湫

忽地聞今調悠然得古思疎鐘纔歇後澹月欲圓
時白紵歌誰和青衫恨可知蓮花清漏永絲淚有
餘悲

春暮過平山堂

何物三山影年年峙夕陽誰曾占海氣我亦滯江
鄉花雨連隋苑春愁泥蜀岡不知天地意兀兀望
蒼茫

揚子江

晚雲鋪亂絮孤月墮寒煙鳥影依江樹簫聲亂估

舡銅駝移落日鐵騎沼吳年隔代興亾事臨風一
慨然

江上新月

萬里長江色拈來指甲痕明明描碧落黯黯曲黃
昏山黛濃難染雲眉淡易渾漁舟全不識獨釣下
江門

中秋望江南諸山

江山南北望天地古今愁漠漠青煙外重重碧嶂
收幾人貪好月一片可憐秋誰識蕭涼意終宵賦
遠遊

是夜月下聞歌

如練江頭月遲回白鷺洲雲煙留畫舫山水落歌
喉客興慚河漢歸心逼女牛緣何多恨事愁絕賦
登樓

十六夜

纂纂兩桐樹苔堦露影長秋蟾未生魄望後有餘
光斟酒支殘漏添衣坐藥房空青吾獨占雲外落
天香

宿雲門寺

鈴語斷還續空山伴懶殘疎鐘煙外出沙月定光

寒犀笏開蓮藏花鬢疊翠巒楞伽詮妙契一宿寄
精蘭

題戴山山下瘖署

樟陰森半畝遙接萬松青月冷蓬萊閣雲迷越望
亭凍梅開石甃老鶴守寒廳內祀王龜不是陶貞
白何從餌茯苓

讀書落花下作

古人莫逆處不覺落花深衆草看徐發千秋快遠
尋風來雖有色香淡久無心掩卷頓長嘯劃然驚
鳳音

映雲殘日淺繞砌落花深薄俗不得意古人知此
心字濃香可泥行密影堪尋未待黃鸝喚悠然自
好音

石荷葉花二首

小草有佳致初開照碧森着花殊不易托石是何
心蔓衍藤能上婆婆葉自陰山榭稀見汝披土費
搜尋

香矮風難透花微葉轉多耳歌蹲瘦虎石缺補圓
荷皮相存人語叢生貼綠波采同桑黹製配酒定
乾酥

牡丹

鼠姑欣未謝悔不見初開絕艷明明裏真香暗暗
來紅粧靡嫩粉綠葉點輕苔曾許佳磁共相携絳
帳回

答友

彈指三年別論心萬事難何憂朱夏變只是碧雲
寒鶯唾誰曾拾鶴音猶未殘應憐鳴和處午夜拍
闌干

賦得庭草無人隨意綠

秋草無深意颺蕭祗自知若非天愛綠久被日蒸

衰雨露同根葉風霜悴本枝無人憐腐幹的有化
螢時

秋夜聽雨

望卧水亭清宵涼陣陣生月光行雨外電影照秋
聲玉灑和雲冷銀河隔樹明會須憐織女天上賦
閒情

雨止後有作

大風何斷續涼氣浩縱橫雨傍明星落雷搖秋漢
清疎鐘越雲遠爽籟逼簾生莫似歐陽子寥寥賦
樹聲

題長安秋曉圖

銀燭簾波動星晨殿角平何緣移雁柱復此聽雞
聲露重天含潤河傾曉愈明參旗初展處攬轡思
澄清

秋霽晚蓮更艷欣然有作

碧雨洗秋澗花晴曉愈酣種來寧七七行去是三
三幽響沉青玉香光動彩嵐亦知雲錦樣取次落
澄潭

秋甲子雨中採柏

循簷垂柏子一室有餘清翠雨新萌甲丹霞暗守

庚採來龍欲嘯熟後廉初鳴須識簫樓意相和只
為笙

鬪雞

猛氣下堦墀
昂場瞰敵時
花冠頻側倪
金距亦參差
不用塗膏助
寧煩斲尾悲
垞南春雨歇
忙殺鬪雞兒

鸚鵡

昨夜隴山夢
乘風返故園
今朝雪衣鳥
戢影傍前軒
所賞非標格
憐君但語言
開籠誰放汝
天外冥鴻騫

白蓮

白蘋洲上路
一色玉玲瓏
浦女弄煙水
折枝歸膽瓶
月當吟處皎
香入夜來清
十里垂虹外
扁舟憶昨經

朱魚

止水漾萍衢
濠梁意自娛
日中看戲影
雨過見跳珠
空淥散文藻
猩紅滿玉壺
盆池容鼓鬣
煦沫忘江湖

竹

空齋數竿竹
遙夜有清吟
簾幙翠微合
瀟湘雲水

深侵堦留逸響當暑滌煩襟向夕起長嘯戛然鸞
鳳音

茉莉

月底小迴廊流螢鬧晚粧紗幮森霧縠團扇拂交
牀小摘一叢雪輕籠滿院香年時瑣窓底簪罷髮
雲涼

蘭

藝蘭不計畹綠葉發華滋最憶空齋裏猗猗滿碧
墀芳香能入座蕭艾已全治故國閩山裏淒涼楚
客詞

南歸漫興

白日終沉海黃河可上天泥沙成一蹶颺泊又三
年失路今如此浮生亦可憐五湖獨歸去且上釣
魚船

賦橘

芳榻香光冷先霜已吐紅長羸憑露浥遙植有煙
蒙壤別人空嘆星介色自融色山林壑裏今夕夢
微通

食韭

小窓摹韭帖食指動江天乍摘米輕籠充杯嚼暝

煙春盤乾雪脆凍浦玉毫堅舍北炊羊會豪奢倍
可憐

湖樓雨望

山色空濛裏閒鷗相向孤誰人飛鶴瞥颺渺去重
湖老樹千章密浮塵一點無風標兩公子匿影傍
山隅

和陸穎谷詩

秋綠遠山淨煙嵐無主名庭逢沈昭略問訊陶通
明柱露浥駢頭菊霜橫掉尾鯨聞堂不同醉孤負
合和美

往日京華聚琴尊數子同雲間歸倦鶴歷下指冥
鴻戶戶泉流碧山山棗柿紅故人皆宿草座間追
悼秋泉
義門趾兆
子辰諸君流涕感何窮

連朝秋氣澄霽不得出遊再疊前韵柬同人
盤敦周旋久孤清早擅名繙經雙鬢白破暗一燈
明風色高摩隼波瀾怒掣鯨達夫方五十時值穎
谷初度
勲伐待和羹

閉置車中久為歡孰與同庭中指嘉樹雲外睽孤
鴻玉灤晴瀾沸金輿晚照紅籃兜不能出駐望意
何窮微之詩籃兜與筍
與導我前山行

梅影

踈瘦標清影羞為入世粧臨池還有態灑壁但聞
香常恐蒼苔滑渾疑低帽妨西湖三百樹月白可
徜徉

闕里檜

栖栖猶樹此吾子亦何悲詎識當年意空留萬古
姿左旋星緯色東指斗杓宜元氣冥冥在榮枯未
許知

手植楷

我來窺寢壁拜手覩遺株枝葉無秦漢源流辨泗

洙直心天地老正骨雪霜枯歎絕千秋上亭亭意
不殊

再和闕里檜壁韻

肅穆留遺澤蒙蒙接混元春秋一直幹幹一作筆河嶽
此靈根鐵積黤落影青餘裂燒痕何須茁枝葉吾
道絕攀援

再和手植楷壁韻

石甃空千襖霜柯削半圍精誠依冥冥臃腫見神
竒方樹驚誰在心衰獨爾知只愁生不易質直令
人思

東關門觀荷花和李巨來韵二首

穠華散天闕珠露已傾歌香早飄雞樹根深出鳳
池蟬鳴微雨後鴨唼曉涼時將子蘭舟去中流蕩
槳遲

采殿迴翔近銅街步屨疎風前聯沈范煙際詠夫
渠夢月枝全艷凌波影不虛玉漿如乞得學士解
銀魚

午日即事

陰雲纔解駁杲日又東升甘澤思頻布炎飈蕩幾
層班行方載肅禱祀愧無能六事宮中責精虔古

未會

偃禾猶未起蕉萃有蘭成詰責煩中旨馳驅到上
卿鶴鳴林外闕鳥影日邊明清角無煩奏惟愁疾
癘生

台星今夜正溫語錫回中珪璧者頻薦齊壇凜在
公鬱蒸愁未減燮理望原隆不敢傾蒲酒惟看送
雨虹

送友人歸江南

役役何為者忘機憶漢陰萍蓬岐路影蝦菜五湖
心白社歡情減青門去意深買山在何處興到一

相尋

和汪苻洲學士移居聽雨樓原韻

別時花滿眼相見雪盈頭
蔣詡存三徑元之剩竹
樓石當庭戶古樹接比鄰
幽可記檀溪路迷藏有
舊止

樓後千尋竹中宵送雨聲
只今兄弟意因見古人
情拄杖過頭綠秋泉澈底清
還思涇陽叟颺泊可
憐生

奉送座主大司寇張公歸韓城

重讞平反日遲迴用意深
好生原帝德執法本

臣心掩卷拋丹筆忘機憶漢陰
遂初恩不易獨立
嶽森森

三徑且歸去毋驚鶴與猿
浮雲天北極秋柳國西
門舉世紛多論先生默不言
風颺俄頃息閭闔鑿
孤根

為愛青冥潤開籠放白鷗
煙雲供眺聽笠屐獨躋
攀物外留清議山中有好顏
西來望函谷紫氣滿
重關

陶齋看菊花

九日亦已過荒齋噪暮鴉
瓶罌聊點綴離落忽歌

斜色偶分金紫名非鬪麗華無為嗟晚晚此菊是
頭花

徐壇長夢與余論杜詩竟夕醒來得十字工
妙無比足成之

中宵澹無寐落木風颼颼精爽古人合琳瑯好句
搜斷雲宜帶雨紅葉忽翻秋義蘊堪吟諷應從杜
老求

秋日侍直

秋雪點平蕪寒生金僕姑五雲低帳殿紫塞拱周
廬珍味駝封賜傳餐庶矮酥飲飛軒猛氣親手搏

於菟

珥筆陪雕輦回中夙寢與月明山齧齧霜曉木稜
稜眼疾拳毛鶻神寒帶角鷹平疇看躍馬相顧意
飛騰

題採藥圖

採藥何峰好容成有舊臺青猿扶杖出白鹿獻花
來嵐氣千山霧松聲萬壑雷呼童烹伏菟彷彿似
嬰孩

桂蠹不可食閒將石髓俱芝英方練就木杵得餐
無瓢笠雲霞色仙人冰雪膚還丹逢桂父花底一

盧胡

嚴西武七十壽詩

鳳池看晚達天骨更嶙峋諸葛真名士嚴陵此異
人高風搖海嶽苦節動星辰墮地孤兒淚沈瀾七
十春

萬壽傳觴日榮光遍紫微上庠陪國老中使錫宮
衣盛代恩膏渥儒林寵遇稀歸來勤拂拭冷署
滿尹蟻

蚤年耽服食玉立五雲端舊有青精飴新成善勝
丹哦松廳事冷調鶴水雲寒為語陶弘景丹砂好

駐顏

覽揆逢令序花底錦攬瑜脩竹雲霞色仙人冰雪
膚松醪香泛菊宮斫露凝珠佳話人間少流傳滿

上都

送黃令之任石泉

君去隴安郡千山高復低湔江秋葉老棧閣曉雲
迷市小猿升樹堂空鹿飲溪詩人綰墨綬多在武
平西

松嶺枕榔樹盤溪翡翠巢錦城光蟠竦山月墮娥
媯調鶴稀官牒嘉魚入膳庖廣柔原有種舊志手

新鈔

寄友

采隱羅浮外秋原屋數間著書天可老避俗水能
灣笑矣嗤仙客李白有笑矣乎短韵歸與賦小山霜螯持斗
酒兩手不教閒

別來時盼想大樹記君門市語喧聲寂嵐光蕩水
昏尋芳鐘阜外沽酒莫愁村寂歷前朝事興亡儘
可論

雨後登慈悲庵高阜納涼同方貞觀作

煩溽心能遣何辭執執行葛涼風力軟沙淨馬蹄

輕得地幽偏好凭闌志慮清眼明見新水不忍濯
塵纓

亦有殘僧在繡經罌石臺香煙長寂寞幡影自崔
嵬客到驚啼鳥談深藉古苔空青君獨占何物眼
前來

竟日茶瓜樂槐陰枕手眠空潭猶鐵色疎荻映寥
天山黛明斜照秋蔬茁野田下方人見慣濃綠一
壇煙

好在方三拜峯竒妙語言神寒如積雪吟苦似哀
猿橘化愁為枳憂多不藝萱婆婆對枯樹聊此寄

孤根

輓金來雍

夜壑沈冥日猶疑語笑譁身為貧贅
捩酒是病生
涯重幕依人苦秋霜點鬢加雲亭方寂寞何意失
侯芭金為何義
門高弟

小集棗南書屋次韵

松下支離叟花前桑苧翁相思隔秋水一別幾春
風顏鬢看非舊琴尊訝許同廉纖吹暮雨密坐近
房櫳
止酒陶元亮佳時偶一中歸心質孤月幽賞寄焦

桐往事都陳迹遺編合奏功故人淪夜壑滅没指
冥鴻

題李剝水明經傳後

大隱非止壑斯人應客星山林終寂寞河嶽散英
靈有道人師表中郎世典型遺書今在否雲氣護
山庭

長蘆院立秋有感東魯南

行役歲時久湖湘三見秋沙橫新漲落風急斷蓬
流世事歸黃散孤生早白頭津途易留滯顛鴉木
蘭舟

倉園言金卷三
三
冰雪同門友相將守歲寒
愛看吳嶽影直落楚雲
端寢食饒名理襟期結古歡
偶耕曾有約獨往未
應難

餘園詩鈔卷三終

餘園詩鈔卷四目錄

七言律 共一百四十一首

梅屋

春雪

晚春

雨後歸自浮螺山莊

題李沙村華山圖

昭陽陸生携琴過清響園

與黃儀逋

咏萼綠花蕊

春夜歌筵達曙正林先生堅訂桃花之約
聽孫殊友彈琴

鶴

新苔

新月

出真州北郭訪柳屯田墓

和沈桓震遊金山詩

閩人寄余武曲新茶

茱萸灣歸舟作

答邗上諸君子

層錦樓獨眺

廣陵清明郊遊和劉仲濱太守韻

三閭廟瞻女嬃遺像

梁溪舟次

疊韻東秦雒生

白龍潭上廢寺

菱溪道中

叢山

贈漁父

靈隱寺

送宮友廉入燕次留別原韵

懷友

三月九日西郊看杏花限賦

是夕集澄觀堂觀劇再疊前韵

揚州早雁

丁亥中秋詠桂同舍弟甸洋賦

舟行雜詩用商止先生韋菴閒興韵三首

賦得每到花時不在家

前題又得一首

徐方虎先生招飲餘不溪諸山

海棠

芍藥再疊前韵

丁香三疊前韵

午日集融舟寓齋限韵二首

再疊前韵二首寄懷經一

次韵和王令詒給諫移居二首

秋懷詩同諸公再疊前韵

三疊前韵柬書宣

食蟹四疊前韵

題濂村峨眉紀遊詩五疊前韵

六疊前韵東悔餘

倚韵答陳北溟

同周漁璜陳南麓王方若劉秘書豐臺看芍

藥是日大雨共飯村家方若有詩次韵二

首

送友人南歸

趾聲禊亭壇長寧先集飲寓齋看瓶中芍藥

瓶花將謝再疊前韵

次韵答史蕉飲前輩

重過高廟東陳濂村

恭和 御製賜座主安溪相國詩元韵

重過封氏園飲矮松下偕查夏重錢綱庵願

俠君作

立秋前一夕匠門席上同夏重俠君作

送查悔餘前輩南歸次同年張匠門韵

壬辰春日奉 命介校禮闈東勵南湖張硯

齋蔣西谷諸前輩

賦得蜻蜓立釣絲

賦得鶴夢不離雲二首

賦得抱葉寒蟬靜

賦得山水有清音

景山校射應制

雨中即景

襄陽懷古四首

寄王耘渠主江漢書院兼懷張瀛洲撫軍

岳陽

李羣玉墓

佛手

詠文官果

雨中同壇長時齋備庵放舟遊寒溪西山兼

懷絅齋奉

使安南不得到鄂州信息次

壇長韻

遊峴山歸過聞喜亭見歐陽文忠詩刻石漫

賦

壇長備庵兩同年遊萬山檀溪尋沈碑潭宋

蘭揮奉使黔南同至襄州是夕集飲試院

再疊前韻

長至日荊州使院同胡襲叅喬鶴羣陶柱中

沈方枚家朝曦看雪

人日洞庭舟次同幕中諸友作

辰州使院對月用胡襲叅湘陰詩韵

臘月朔復渡洞庭東湖

送徐壇長歸宿遷

贈宿遷高尚友七十壽詩

送顧嗣宗返吳門次留別韵

畱別兩湖諸生

辛丑五月假館楊氏宅劉艾堂喬介夫鶴羣

晴川原溪枉過小飲次艾堂韵

介夫疊前韵見東次韵答之

原溪疊前韵見東再和一章

四疊前韵贈鶴羣

五疊前韵追悼藥亭蕉飲晚研書宣芝山桐

楚西齋樓村大山愚谷恕堂無功後圃相

繼下世兼東艾堂介夫雙村鶴羣

秋日有感

熊務先自滇中来相聚東湖今歸涿鹿賦此

奉贈兼懷六觀章之兩前輩

將有南贛之役雨阻未登舟李近修為侯生

索詩生楚人篇未及之

癸卯重九前二日東湖小集近修有詩紀事

倚韵和之

即事叠韵柬湘門兼悼滄洲

重九後二日吉水諸世兄招集非園三叠前韵

四叠前韵感懷吉水夫子

五月十日齋宿安定門外即事

寓齋白葵一株極盛位置中除芟耨不及物

固有遭遇耶

錢宮詹蔗山出詠白葵長律次韵

感舊再叠前韵柬蔗山

秋夜無寐讀六觀遺集撫卷泣然不覺達旦
適次張過荒邱話別口占奉送

餘園詩鈔卷四

男琬校字

亭間繆沅澧南氏著

後學

沈德潛

金志章

編輯

七言律

梅屋

碾碧濃茵綠一窩梅垂淡白雪無多開遲但恨春
無賴香滿全輸醉幾何紅透玉肌颯艷影綠迷青
眼蕩迴波茗香酒冽談詩處為聽林鶯恰恰歌

春雪

旋墮微塵已旋消偷春五出恰斜颺和光半入簷

端合清響偏於水
泂饒可是剪花鋪
亂屑定誰戲
玉踏輕瑤潛魚煦沫隔波聽
糝落梅花色倍嬌

晚春

綠積空堦草暗生
幽園斜日晚雲平
小錢貼水不知數
野卉亞闌難辨名
亭角拂簾雙燕出
山腰洗硯一僧迎
幾時出郭同吟賞
綠樹中間望聽鶯

雨後歸自浮螺山莊

火雲飛盡水雲攢
薄薄單衫中午寒
旋起風聲吹滿樹
絕竒雨點大如盤
鶯簧乾澁調初潤
荷葉平翻響未殘
簷溜濺身書在手
笑看三徑亦波瀾

題李沙村華山圖

華山舊是棲真地
翠嶺芙蓉出嶺頭
一水奔飛窺瀑布
三峰飄渺瞰神州
河通玉井仙源合
雲出金天白氣秋
多少前賢遺跡在
希夷峽口願從遊

昭陽陸生携琴過清響園

晚晴無柰夕陽何
雨散雲留鶴可過
蘿徑孤琴聲自遠
藕塘亂葉響來多
蒼茫古調人誰繼
拂拭么絃手乍和
君鼓商音兼入角
細聽起立水初波

與黃儀逋

難得花間見在身
咏懷詩句尚清真
傍城驚見團

園月斟酒先開琥珀春
小院殘霞光映檻
淺塘流水色如銀
隱君家在墻東住
一卷蒙莊一幅巾

咏萼綠花蕊

斜風蘊蓄亞雲扉
剪刻南枝生意微
此會瑤芳含宿霧
他時崑圃爛餘輝
寒生小牒茶煙澁
日暗空堦凍雀飛
記取春明好風景
半庭綠雪漾苔磯

春夜歌筵達曙正林先生堅訂桃花之約

月淡歌濃達曙天
清空銀漢界斜川
不知楊柳折何事
且逐漁郎再喚船
行樂達人休問夜
銷魂春事已今年
桃花妙悟頻關我
吹盡東風亦惘然

聽孫殊友弹琴

怕聽哀桐為憶君
有何心緒問閒雲
高吟讀罷春難和
妙指彈來雪自紛
涼夜却携花共醉
清音還與月同聞
未須聽到歌眉歛
一曲能驅十丈氛

鶴

頂上丹砂傲白頭
僊僊雪鬣繞紅樓
豈無碧水堪同戲
惟有青天可縱遊
舞起清輝人共潔
眠來月夢影雙幽
也知道侶應相識
方丈蓬壺一望收

新苔

閒庭幽碧展芳茵
側理光華一幅春
尚隔闌干鋪

月影更無人跡受花塵陳王閣畔如錢小沈約階
前似髮勻最惜玉臺春雨後輕粘屐齒過東鄰

新月

我生宛似蝕餘痕搯破青天玉指存欲下已隨眉
共歛照來還與夢同昏誰移楊柳玲瓏步疑斷梅
花清淺魂無限鈎留環不繞銀河耿耿嫁天孫

出真州北郭訪柳屯田墓

偶來出郭弔耆卿城子山西衰草平歌扇酒旗如
昔夢曉風殘月至今情千重遠黛空中掃一線寒
流天外鳴放脚長吟逢短至詩成泣鬼氣縱橫

和沈桓震遊金山詩

幾年歸計負雲山衣帶遙青冷欲刪兩岼荒鐘沉
海嶽一天秋夢滯江關芙蓉千片携來遠鷗鷺經
時看處閒却羨休文多錦字偏能濟勝賦孱顏
驚濤萬斛句全收領略江山別樣秋水繞孤峰天
欲破雲歸衆壑氣同浮妙高玉局千年月澤國叅
軍一廢止吟卷訝來多慨想蒼茫獨立可勝愁

閩人寄余武曲新茶

采采雲芽向幔亭名峰寒泉九曲夢曾聽天來地底
仙霞綠水漾山頭佛樹青豈有甜沙思上谷更無

沖瀝到中泠，澌將雪椀先。秋冷洗盡詩書萬卷腥，
茱萸灣歸舟作。

一水茱萸東，向斜菖蒲應。發故園花岡前，禪智迷
新綠。望裏山光接晚霞，送罷青春曾放棹。颺殘紅
雨，又還家。可知作達韶華遠，草長鶯飛未有涯。

答邗上諸君子

紅橋寒食試春衣，十里香風逗翠微。彩鷁幾重圍
寺泊，紙鷁一半出城飛。眼中好景前年別，書後行
期昨日違。藉有羣賢觴咏在，題詩為我記芳菲。
輕帆載不上揚州，謝爾東風送出遊。可信爨煙無

斷續，非關書札有沉浮。金錢擬賽司徒廟，楊柳真
迷帝子樓。百里莫嘲陳蔡小，古人多少受淹留。
邗溝水面畫闌干，半泛輕舸半據鞍。金谷那知隨
地有，玉人多喜上樓看。來尋酒伴何曾遠，去典春
衣莫畏寒。明日會須乘興到，花枝休放鳥啼殘。

層錦樓獨眺

獨眺空亭思渺然，落成猶喜射蘭年。方塘蓮葉東
西綠，曲沼楊枝遠近煙。霞子橫鋪千尺水，雲兒直
決九重天。試當秋月玲瓏夜，准有清音高處傳。

廣陵清明郊遊和劉仲濱太守韵

餽園詩鈔卷四
五
畫旗獵獵映輕紗，猩血花枝碎剪霞。江外遠山都
作案，崗前老樹儼排衙。水禽偶語牽蓬處，官柳三
眠賣酒家。皂蓋朱輪勸耕去，不緣無事出看花。
三
粥香錫白又清明，棖觸春郊無限情。獻犖插花三
老語，吹簫擊鼓一帆迎。逡巡社燕初停翅，姪姹雖
鶯巧弄聲。翠毯中間來五馬，雨甘風羨踏沙行。
魚苗春漲滿江天，傍岼緋桃色漸然。着屐山中嬉
永日，題襟漢上憶當年。閒思上直吟紅藥，競羨乘
槎嘯綠煙。鼓仗笛床何限好，雙鳧容與水雲邊。
不將往事問荒宮，眼底登臨興未窮。高隴惜惜歌

遠翠林花淼淼墮，餘紅沙明鳧聚深塘裏。蒨密魚
跳別澗中，寒食雨晴春晝永。青楊低漾酒旗風，
香凝燕寢思恬然。乘傳江干已判年，是處園林三
月好。同遊賓客一時賢，喚晴小鳥穿叢薄。趁暖羣
蜂墮，几筵誰譜歐公新樂府。壁郎撒笛隔春田，
但使千杯常在手。笑看萬字日揮毫，文心韵事原
輝映。官職詩名相並高，蹴踏山川歸翰墨。平章草
木入風騷，眉間黃色朝來見。梁上何須更夢刀，
草長鷓原隔幾秋。太守有詩懷
令尤西谷郵筒緘寄慰離愁。
繡衣持節瀛滄路，翠幕行春吳楚頭。酒酌麻姑浮

綠蟻花圍金帶上蘭舟後堂好築逍遙館聽雨他時共子由

冀北江南景最偏懷人兩地意茫然不同元白誇州宅自有荆襄寶馬鞭收拾閒情同嘯咏掃除文案破拘牽懶殘有語君知否領取絲綸又十年

三閭廟瞻女嬃遺像

望帆九面汨荒原弟姊相將遺像存水學三湘常欲雨萍靡千畝倍銷魂美人香草江煙淡漁父蘭舟海霧昏澤畔行吟相唱嘆那堪濁酒未盈尊

梁溪舟次

輕舟安穩疊書巢淺黛微風襯樹梢載酒船回波淼淼試茶人散鳥交交孤篷枕手原無着浮慮營心且暫拋天際九龍如送客一彎新月映娥媯

疊韻柬秦維生

魚出深淵鶴繫巢菜挑近圃笋穿梢無多薄靄三山遠好在濃陰二月交白墮生涯愁漸減青春歲月已全拋入宮爭妬新來甚不敢臨粧理畫媯

華南幸

白龍潭上廢寺

霜林倦倚一枝藤古廟斜陽塔數層時有神鴉來

會食絕無白足與然燈長廊靜院珠光隱漁市孤
村水氣澄鐵色空潭猶在否千年龍子喚難磨

菱溪道中

樹影村光遞淺深木蘭雙槳思難禁
離岼宿鳥巢枝早近林下箸溪魚光膾玉堆
橘色搖金漁蓑擬伴鷓鴣去煙水茫茫未易尋

蕺山

停橈十日蕺山下杖策幽尋日幾迴
水白層層疏岼出山青疊疊湧城來
鬚鬢樟樹千尋立合沓松花百畝開
荒寂總無人可語狂呼石丈與追陪

贈漁父

綸竿捲起釣絲空欸乃一聲西復東
悔把濁清嘲屈子悞留名姓記蘆中
蕩來處處棕櫚綠棹入村邨
穉紅樵青漁童坐槎尾人間誰識志和翁

靈隱寺

四面嵯峨翠掃空籃輿導我入幽叢
孤亭匝地松杉冷石笋連天洞壑通
竹引香泉來佛屋風吹清梵落雲中
一條即粟穿煙去去訪仙人長耳翁

送宮友鹿入燕次留別原韻

便有驪歌起路隅踟躕相送撫吟鬚
無書京洛嘲

食言金卷四
八
嵇懶紀石溪亭笑柳愚觸迂襟懷曾不少較量身
世亦何迂君行先向燕山道易酒頻沽憶我無
軟紅塵土夢東華陡覺閒愁一倍加那得飛蠅追
驥尾且隨老鶴守漁叉并將臣朔三千牘不抵盧
仝七椀茶懶散只緣都氈毳商歌終日帽簷斜

懷友

燕吳閩越舊稱詩日有新篇課雪兒把酒對花真
爛漫亾羊挾策總狂痴草荒茅店重題句柳禪山
橋旋折枝冷落城南香火社思君脉脉兩情移
便當權閣短長吟髮有詩斑雪漸侵醉尉雄心看

射虎良工詭遇懶從禽飛騰共有千秋計聚散虛
牽兩地心終使跛羊隨赤驥桑乾握手話秋深

三月九日西郊看杏花限賦

榆荚風和巧弄晴飛花片片點春城煙昏古陌平
蕪綠嵐嫩遙峰疊翠明溪水汪汪雖燕影斜陽得
得馬蹄聲西郊宛是江南路待把麻姑酒細傾
奉誠園裏十介妍嫋嫋鮮葩滿檻前綠樹低迷鸚
鵡色濃花遮斷蔚藍天微紅半白全消暈已落猶
開欲化煙爭挽長條拾香雪不教孤負餞春筵
是夕集澄觀堂觀劇再疊前韻

鞭絲帽影自年年
晚晚逢君古寺前
中酒心情微雨後
落花時節暮春天
長堤突兀扶殘醉
疲馬凌兢踏暝煙
聞道留髡應十石
拚將茗芋別歌筵
雲堦月地夜天晴
珠樹瓊枝燦碧城
六曲屏山春夢醒
十行蠟炬絳紗明
送鈞隔座饒狂態
掀笛當筵有妙聲
歌罷繞梁猶未散
絲柔竹脆總心傾

揚州早雁

風急秋高嘹唳清
曉煙斜度廣陵城
隋宮已改還翻影
水調初停忽數聲
淚逐楚娥回首落
愁從江客倚樓生
年年依舊蘆花冷
幾日春深又北征

丁亥中秋詠桂同舍弟向洋賦

洗空銀漢淡無煙
一片秋聲在遠天
瀛海晶珠輝碧嶠
幽簷金粟粦瓊筵
王家龍鳳娛今夕
謝氏壘簾憶往年
余與向洋六年不共杯酌
商酌寸心千古在
清輝萬里共嬋娟

舟行雜詩用商止先生韋菴閒興韻三首

寒鐸聲沉鼓罷搗
柁樓枕手靜無譁
峭帆乍落煙粘浪
纖雪纔消水唾花
嶺外白雲天一握
溪邊黃葉路三叉
吳江楓冷多時了
指點寒山寺影斜
夜船鈺響儼摻搗
煙際長年共笑譁
風力擊雲披

亂絮星光連野炫浮花霜前巖橘寒能劈雪後溪
魚凍莫又酒冷香蕉殘夢醒語兒城外月痕斜
喘急羸牛不受撾輜車爭渡但聞譁錢塘江南岸
皆以牛車行
中海天一線迷帆影吳越千山送浪花曲岼晴泥
香印屐崩厓老樹影攢又西興雲氣朝來歛小市
茅簷煙晝斜

賦得每到花時不在家

淒清襖被走天涯每到花時不在家蝴蝶夢中春
老去海棠枝上葉欹斜僧閒兀坐苔痕靜客到時
驚屐齒譁四望晴巒小翠靄一簾穀雨自煎茶

前題又得一首

驛路晚嘶白鼻騮征人何事苦天涯柳絲漸拂春
衫袖燕子初飛野老家殘夢覺來雙淚落披衣起
處一鞭斜年年春事關心事腸斷紅樓又落花

徐方虎先生招飲餘不溪諸山

轉入桑林路幾灣層層露髻擁煙鬟鑿空巖腹穿
脩洞倒影坡塘寫碧山磨劍水寒波歷碌支筇人
去鳥綿蠻臞仙為愛清谿勝待築臨溪屋數間

海棠

接葉駢枝鬪麗粧三千國艷許同房畫簾風細雲

鬢側繡被春濃粉澤香夢壓輕寒爭擁背情迷多
寵一迴腸白頭最怕逢婪尾獨把餘杯餞夕陽

芍藥再疊前韻

紅黃紫白淺深粧孤館權憑作後房靜掩簾櫳閒
對酒側安枕席倦聞香待來婪尾初經眼說著將
離又斷腸總為開遲偏愛惜不同芳思滯青陽

丁香三疊前韻

心情婉晚試新粧薌澤駢枝滿曲房自是畫樓來
絕艷不開斗帳有濃香難扶越女櫛鬆髮已斷吳
兒木石腸婪尾杯殘人去後餞春容易又斜陽

午日集融舟寓齋限韻二首

午簷晴靄散風鴉節近中天景物加半盞香醪沈
艾葉一株高柳當榴花軟塵怕逐天街馬幽夢時
聽水閣蛙此際西陂無那好只思踏浪舞魚叉
樂春園後景清幽巖畔孫登嘯不休小圃偶尋風
蛺蝶空庭閒聽雨斑鳩龍鱗肯向松間老鴻爪曾
看雪上留戊子夏留宿西陂三日問訊前時烏獬廌青沙白
水意悠悠

再疊前韻二首寄懷經一

清冷池上銷魂地追記前遊興倍加曉陌籠鞭過

竹塢水天沈醉宿荷花白沙翠沼村村柳菱蕩蔬
塍處處蛙正是謝公行樂處吟窩得句手頻又
封胡過未人人勝小宋臨風憶未休下筆憐君如
渴驥營巢笑我作痴鳩才華冀北宜軒翥塗轍嵩
南久滯留且喜鯉趨文選熟側身懷古思悠悠

次韵和王令詒給諫移居二首

傍檐才妥玉丫叉又疊架圖書得幾車亟遣長鬚新

掃徑旋教阿段手栽花較量酒戶尋張老

白詩酒熟尋張

老斟酌詩鄰近孟家問訊一枝安穩未百年何事
不浮查

紗巾歌落夜堂邊自在能叅法喜禪熟睡乍回翻
有味生衣初試亦堪憐驚棲三面巢枝鵲長嘯一
聲高柳蟬竹塢鬪茶人散盡博山香燼半鑪煙

秋懷詩同諸公再疊前韵

倚闌兀兀手頻叉苦憶田間薄笨車雨過夜燈鈔
木序日斜山飯晒松花中宵搔首愁為客昨日封
書未到家暗數歸期都錯過看人時上五湖查
何曾食蜜契中邊未必能耽清淨禪入夜星河光
漸轉幾家砧杵響尤憐閒坊夜柝時侵夢壞壁寒
蛩早替蟬正是故園好風景碧花紅穗裊秋煙

三疊前韵柬書宣

作賦何須羨八叉哦君好句每停車仙山別選難
名卉古錦新翻異樣花眼底荆關皆盡手樽前何
范畫詩家門庭蕭寂耽吟咏那愛崑崙泛斗查
觸迂閒愁到酒邊蕭然吾意欲逃禪一肩瘦削影
堪笑雙鬢蒼浪秋可憐碧漢沈寥初過雁疎槐涼
冷漸無蟬與君閒煞持螯手相對西堂坐晚煙

食蟹四疊前韵

束縛寒蒲漸滿又招潮潛傍釣魚車凝脂不信如
堆雪嘘沫渾疑似唾花座上老饕原為口樽前羈

客可思家天生左手持螯慣載滿秋風八月查
膏馥時沾匕箸邊肯因糖蟹學逃禪略教果腹非
知味但說無腸亦可憐紺甲充盤紅似火霜臍委
地冷於蟬不勞門下鍾生議正好揮杯坐暝煙

題濂村峨眉紀遊詩五疊前韵

朗吟冰柱憶劉叉詩格憐君似雪車五夜歌殘蜀
道雨幾年看遍閣中花秋宵雁過時拋卷隴首雲
飛苦憶家此日韋庭饒述作鯉趨何異上仙查
六載漣江楚水邊之官清苦似棲禪雲生巫峽冷
難畫猿叫雪山清可憐世事莫嘲三語掾閒情且

聽一聲蟬東華款段逢君處秋老槐花糝暮煙

六疊前韵東悔餘

梁上挑錢借盡又道旁轆轤指行車閒情日有楓
江夢宮體時吟禁地花張老牽船聊作屋元之依
寺且為家一龕可愛頭初白庵名正好江天泛碧查
十卷楞伽堆案邊愛叅丈室辟支禪問天好句都
爭寫據地狂歌不受憐苔砌蟲鳴難和鶴蘇門鸞
嘯已勝蟬濯纓新有滄浪水傑直歸時嘯晚煙

倚韵答陳北溟

裘馬從他羨五陵千場洪醉記吾曾倦遊京國思

鄉井貧戀天涯為友朋羈緒絲如辭樹葉酒豪猛
似脫鞴鷹秋來薊北寒生早露下沾衣已不勝
哀怨空江譜竹枝玉簫檀板畫船隨當年已得無
雙譽此會猶傳絕妙詞寂寞寒蛩初弔影滄浪秋
髣早垂絲故園蟹熟香醪羨說與京華倦客知
同周漁璜陳南麓王方若劉秘書豐臺看芍
藥是日大雨共飯村家方若有詩次韵二

首

洛陽是處訪名園生長繁花別有村合德臉霞烘
醉鬢玉奴髣粉浣啼痕紅英滿地苔衣滑綠樹粘

天草色昏只似阻風敷水驛與君何忍負芳樽
尋春杜牧有前期但是看花到每遲中酒最憐騎
馬客衝泥笑煞牧牛兒迴車紫陌沈陰裏枕手紅
樓晚晚時那得碧雞坊外路十年夜雨不教知

送友人南歸

曾留殘錦與正遲花樣新奇俗不知涉世迂疎緣
學道入山蒼莽為尋詩斜街塵土生衣纈禪榻茶
煙裊鬢絲觸迂襟懷原不少祇應冷暖獨沈思
漱澗深盃似海寬狂歌斫地扣銅盤空庭燭施還
披卷古鼎香生正辟寒絕澗疎桐排直幹寥天老

鶴振霜翰羨君歸計真高絕凍雀何須戀紇干
不關濩落與疎慵但覺先生去意濃寶劍鉞寒流
古水空林葉落見高踪重遊雪棧看飛瀑再上秋
坪問偃松可記 帝城煙海裏寒宵把盞聽霜鐘
趾屨禊亭壇長寧先集飲寓齋看瓶中芍藥
婪尾深盃注綺叢看花時節易匆匆玉盤露冷扶
媯面繡被香融膩粉紅別有芳華猶護日自然開
落不關風當筵小謝無聊賴晚晚心情訝許同

瓶花將謝再疊前韻

不少當筵盛小叢黃雞白日去匆匆將離鬢影驚

風亂欲別啼痕界臉紅無數豐肌兼弱骨幾番暮
雨又斜風維摩居士觀空霽色相莊嚴變幻同

次韵答史蕉飲前輩

斜風蕩漾感蘭橈向晚維舟傍畫橋枕手夢魂方
栩栩打頭風葉忽瀟瀟歌聞黃帽清音好光黯銀
缸夜漏遙宛似小園秋雨後西窓點滴聽芭蕉
雲山疊疊水迢迢煙靄連空霽色消一枕閒雲縈
別浦半簑疎雨冷斜橋微茫野寺聞清磬依約江
樓響玉簫淅瀝數聲幽夢破華胥有路莫逍遙
重過高廟東陳濂村

追思水閣同遊日慘綠當時兩少年檻外雲山昏
似夢座中賓客散如煙已添頰白新華髮重泛朱
提舊酒船猶記蜀中初下馬劍南好句萬人傳

恭和 御製賜座主安溪相國詩元韵

元氣氤氳毓大儒虞廷授受契臯謨光風霽月常
披對大義微言獨闡敷君相一時聯道統程朱異
地證心符八荒同軌中天盛千聖淵源共此途
四紀登朝魯國儒身都将相秉許謨濟川作楫中
流正觸手為霖薄海敷丹極暫歸留閣印西樞猶
記握兵符蠟丸閩嶠忠誠在鱷浪鯨波是坦途

重過封氏園飲矮松下偕查夏重錢綱庵顧
俠君作

婆娑偃蓋一坯前閱盡滄桑五百年
謾謾濤聲涼
欲雨茸茸針刺密無天
金仙換劫長如此
銅狄看人亦可憐
貞白先生竟歸去
得閒長掛杖頭錢

立秋前一夕匠門席上同夏重俠君作

闌風伏雨動經年
天意相留不偶然
對酒那能傾別緒
撫薇生怕觸離絃
感秋只有蟲吟早
警露從來鶴最先
君自醒然吾已醉
狂言不許外人傳

送查悔餘前輩南歸次同年張匠門韻

紛紛洛下說休官
勇退如君世所難
客羨青冥翔海鶴
人言空谷有芳蘭
樂天久已懷三島
子政曾聞賦九嘆
從此沃州佳氣滿
風流一老卧江干
扶舁藍輿出水南
隨身自具一椽庵
煙霞事業看藤杖
萬古文章在竹擔
共說謝公多逸興
從知王令有清談
木犀花裏扁舟去
鼻觀香生好細叅
壬辰春日奉命分校禮闈東勵南湖張硯

齋蔣西谷諸前輩

清霜簾幙鬢毛侵
天日無私共照臨
十五國中才最盛
三條燭下感逾深
滿懷冰雪無餘滓
一片空

明共此心學士鑿坡清望重爨桐從此有知音

賦得蜻蜓立釣絲

野性驚猜少定棲偶來水畔占空絲小磯避日頻
頻就弱羽翻空故故移花港柳汀風定後白蘋紅
蓼雨餘時微生到露原孤寄却被空灘釣叟知

賦得鶴夢不離雲二首

襜褕睡鶴倚山椒一點閒雲萬里遙短夢微微遠
塵濁長身栩栩上煙霄未離山下陶弘景已傍仙
人王子喬清絕有聲聞警露眼前何地着塵囂
只向蓬山頂上尋沙清水碧遠森森月明珠樹眠

難穩露下芝田冷易侵飲啄不辭江上水歸飛長
戀頰頭雲嚼煙吐火人間世醒後淒然思不禁

賦得挹葉寒蟬靜

秋槐涼冷露華鮮蟬老無聲退暮煙戢影已知同
鶴瘦抱頭直欲似蠶眠水光殷葉霏殘照霽色踈
林帶遠天樹下十年棲遁者孤清相賞碧山前

賦得山水有清音

殘山剩水澹氤氳非竹非絲杳不介虛谷有聲傳
衆籟空潭流響遏孤雲人間難洗箏琶耳塵外甘
偕麋鹿羣為咏前賢招隱句笑他絃管正紛紛

雲山無際碧巔岼聽水聽山沁耳寒灌木數叢聞
古調流泉三峽有哀彈虛無金石傳青壁颺渺宮
商響急湍此意阿誰曾領略從來塵世賞音難

景山校射應制

沙路塵清御苑遙虎臣躋躋侍雲霄迴環禁旅
皆銜鐵指顧前驅早射鷗五色紅雲遮豹尾千羣
龍馬下山樹羨君扈蹕陪雕輦下值香清乳茗

調

雨中即景

陰雲解馭卷煙霾偶踏衝泥舊蠟鞋鷓色罽袍迴

玉勒蔗漿冰椀唱銅街閒坊碧瓦魚鱗叠綺陌朱
輪雁齒排誰道雀羅門巷冷苔紋如繡滿空塔
氛埃淨盡景逾鮮既雨光陰未霽前藿葉膾魚人
鬪酒槐根繫馬市凝煙紅樓簾箔昏燈夜絳闕觚
稜薄霧天有道聲華凋落後不愁人學墊巾偏

襄陽懷古四首

樊城雄鎮古襄州澤國迴環日夜流地控東南不
楚蜀勢吞江漢鬪曹劉野鷹唱罷山容碧雖鳳巢
空木葉秋惟有盈盈大隄女銅鞮村裏踏春遊
霸業江山名士廬白沙翠巘遍郊居煙霞事往南

陽葛羅綺香銷北路魚潮去蔗田催雨種春來柳
岼帶風疎試看峴首碑前路衰草青青涕淚餘
名藩脩竹想當年珠履金釵甲第連一自黃巾侵
劫火至今白骨滿平川斜陽處處吹銅笛野老聲
聲哭杜鵑留得幾人耆舊在昭明臺畔月如燵
昔年曾讀襄陽傳今日來尋弔楚風買得槎頭思
杜老醉餘馬上憶山公橋邊風雪依然在句裏溪
山只自工好待宜城春釀熟一杯先為酌詩翁

寄王耘渠主江漢書院兼懷張瀛洲撫軍

心期落落古人同不數嵩山賣畚翁可喜題襟來

漢上誰言避世隱墻東詩篇雅健凌顏謝經術修
明嗣向雄料得文壇二三子山窓共咏舞雩風
講席三重繡幕開授餐終日餽輿臺安昌自昔稱
賢相王式當年本愛才絲竹可能同入座驪駒應
不悔難來湖南炎熱消愁鬢鄂渚春風首重回

岳陽

周遭山郭自逶迤澤國烽煙話昔時古戍帆檣連
蒼莽人家樓閣對淪漪三春草綠湘君廟八月濤
喧柳毅祠獨立斜陽悲極目神鴉千片舞參差

李羣玉墓

澧水涓涓映白沙騷人於此擅才華一官差勝方
三拜七字休論溫八义大歷聲銷雲欲散延英人
卧月初斜千年畱得孤墳在誰向荒榛歇馬撾

佛手

優曇花樣轉新奇爭挽兜羅駢數枝心印結成師
象品手談贏得鳳鸞碁雲邊羞掌金人露香界輕
彈天女絲位置佳磁真好我清輝玉臂許長攜

詠文官果

嘉果今朝上食單頭銜新署映琅玕芡盤劈實初
離壳梅子生仁已帶酸半顆綠分青玉案滿房紅

褪水晶丸嚼來滋味渾經慣一笑原來是冷官

雨中同壇長時齋備庵放舟遊寒溪西山兼

懷絅齋奉使安南不得到鄂州信息次

壇長韵

花兒開口最銷魂別後相看太瘦生離索久縈千
里夢登臨因見古人情交州弭節星軺遠樊口春
流畫鷁輕且喜卯君共徐孺一帆安穩鏡中行

遊峴山歸過聞喜亭見歐陽文忠詩刻石漫

賦

青螺如髻列江邊秋晚藤蘿試一攀自是漢臯多

曲折由來名士愛蕭閒泉清洗出泥中碣日落遙
看雲外山千載廬陵同俯仰亂霞時見鳥飛還

壇長備庵兩同年遊萬山檀溪尋沉碑潭宋

蘭輝奉使黔南同至襄州是夕集飲試院

再疊前韵

襄樊聚首亦奇緣佳處煙嵐試一攀真有勝情成

獨往但無塵累即蕭閒壇長連日屢遊現首習池
穀隱諸勝久雨乍晴天容

如沐沙邊斷碣埋殘照天際濃雲罩晚山余公事粗
畢擬來日

重遊三峴諸山
是晚天復沉陰妬極清遊偕舊侶却逢漢上使星

還

長至日荆州使院同胡襲恭喬鶴羣陶柱中

沈方枚家朝曦看雪

六花飛處一陽回玉映簾櫳綺作堆老喜讐書添

短晷寒餘暖手覆深盃仲宣樓畔積殘雪宋玉宅

旁舒早梅柔荔芳芸紛滿眼天機雲錦正新裁

蓬轉輶車信所之荆南留滯路逶迤恰逢橘綠橙

黃候最愛燈明酒釀時醉裏高歌忘漏永宵深洗

酌送鈎遲故人一坐皆冰雪况有韋郎七字詩

人日洞庭舟次同幕中諸友作

殘臘迴舟辭嶽麓開年振舵轉湘陰黃陵廟口帆

高下烏石山頭浪淺深書卷縱橫添白髮乾坤留
滯老春心直從元日過人日消得長吟復短吟

辰州使院對月用胡襲叅湘陰詩韵

碧空鏡淨一奩開雲錦天工費剪裁短髮颯蕭成
白首生衣涼冷卧蒼苔孤桐露下聞蛩語滄海波
澄少雁來公等尊前拚茗芋傾家我欲倒新醅

臘月朔復渡洞庭東湖

今朝臘月天氣好日暖東風船尾生又見抽帆過
湘曲早聞打鼓發江城魚舫箇箇隨潮上雁陣紛
紛入浦橫回憶草青湖面濶始知歲月負崢嶸

送徐壇長歸宿遷

黯然情緒旅懷知漢上題襟寄遠思鶴砦人歸波
淼淼鴿原草薙影離離時以令兄之江風白舫帆
將轉老樹高臺秋正悲珍重臨岐繾綣意沙頭延
佇立移時

贈宿遷高尚友七十壽詩

草堂開霽帶春星終日持竿為誦經漂麥有時雙
脚赤護雞常至一燈青看雲夢寐憑高築埋照生
涯寄玉瓶七十過頭猶孺慕閭霞深處問仙靈
下相城邊五畝園栽桑為圃柳為藩鶴鳴遠澗山

當戶魚打前灣水浸門曾憶過後投并轄還期漫
浪到芳尊與君結屋成高隱牧豕看蠶共一村

送顧嗣宗返吳門次留別韻

晚晚心情夕散霏故山猿鶴久相違人如諸葛真
名士客有江東大布衣吳地煙嵐應入畫楚天鷗
鷺漸忘機步兵日有尊鱸思隱語當歸且緩歸

留別兩湖諸生

黃鶴晴川態自妍輶車辛苦駐經年壑囊空有三
千贖負郭曾無二頃田晴日暖風遲畫舫清歌妙
舞是離筵老夫一掬孤寒淚洒向春潮意惘然

辛丑五月假館楊氏宅劉艾堂喬介夫鶴羣

晴川原溪枉過小飲次艾堂韻

難從九陌覓幽栖何處雕闌識故題塵榻祇應蛛
經戶壞墻不見笋掀泥料量酒盞如椰大位置林
亭似笠低賴得羣公相慰藉當筵競勸玉東西

介夫疊前韻見東次韻答之

閒坊寂靜比郊栖手啓紅箋愛續題訝道夜涼渾
似水誰知雨小不成泥詩人並舍衣香滿好句連
篇墨瀋低猶記扁舟犯霜曉覆孟城北射湖西

原溪疊前韻見東再和一章

竹深縱棹憶巖栖親折琅玕手自題四庫青燈紅
有暈一簾花雨淨無泥渚蓮似海雲霞膩秋稼漫
天雁鷺低今日眼昏塵土裏僦居同在帝城西

四疊前韵贈鶴羣

一半林栖半澤栖打包行脚怕重題峯竒不是無
山骨唾棄原知屬井泥葭白楓青帆影亂天長水
遠雁聲低與君颺泊辰瀘岼萬里湖南西更西

五疊前韵追悼藥亭蕉飲晚研書宣芝山桐
楚西齋樓村大山愚谷恕堂無功後圃相
繼下世兼東艾堂介夫雙村鶴羣

當時聚散苦栖栖腹痛空廊覓敗題作者精神同
逝水故人詩句掃黃泥題襟漢上江雲黯吹笛山
陽宿草低君是羊曇舊徒侶不堪沉醉酒壚西

秋日有感

第三廳後最蕭閒橐筆時依霄漢間一自楚江詠
萍實頓令瀛海別蓬山貧諧冷署蘼鹽味老入梧
垣法從班自笑升沉總前定莫將塵事損朱顏

熊務先自滇中來相聚東湖今歸涿鹿賦此
奉贈兼懷六觀章之兩前輩

碧山學士久焚魚愛子聲華冰玉如章貢煙波遲

笠屐點蒼雲氣接衣裾空江落木將迴棹白髮青
燈正倚閣高適陳登風誼古沙頭執手野踟躕

將有南贛之役雨阻未登舟李近修為侯生

索詩生楚南人篇末及之

租舡吹笛暮潮平秋髮蒼浪百感生入剡終期尋
賀監遊梁何日訪侯嬴峭寒閉戶思溫卷細雨留
人不出城記得瀟湘風雪後一帆真在鏡中行

癸卯重九前二日東湖小集近修有詩紀事

倚韻和之

飯顆相逢太瘦生鷓鴣秋水眼俱明雲低遠岫無

邊翠潦退空潭澈底清碧海騎鯨雄壁壘湘靈鼓

瑟擅才名因君題句增惆悵追數前遊倍愴情甲

京師城南水榭之集今在者
止扶九次侯近修及余四人

即事疊韻東湘門兼悼滄州

日光蕩漾晚潮生掩映軒窓似雪明楓葉荻花供
點綴山容水色本澄清湖壖不醒詩人夢江介長
留傲吏名湘門別近十載梁
溪頌聲至今盈耳聚散死生都契濶孤
亭獨上一含情

重九後二日吉水諸世兄招集非園三疊前

韻

繞閣流雲細細生，數峰殘照晚霞明。
小池涸水侵堦綠，老桂寒香沁骨清。
九日追歡成故事，半生被酒刺狂名。
風懷牢落顛毛白，誰向樽前識此情。

四疊前韵感懷吉水夫子

廬阜匡山雲氣生，雲中笙鶴漾空明。
哲人已矣典型盡，來者無多骨相清。
勲闕詩書留世澤，江湖廊廟總虛名。
西州門外驅車過，只有羊曇識此情。

五月十日齋宿安定門外即事

騎馬經過韋杜旁，打包來宿勝因坊。
蒲葵刺眼茸茸綠，梅雨霑肌謾謾涼。
已遣安心叅妙諦，不須掃

地藝名香。分明半榻維摩室，亦要天花作道場。

寓齋白葵一株極盛，位置中除芟耨不及物。

固有遭遇耶

素花白萼恰垂軒，簾押柔犀草覆垣。
炊黍早知同昨夢，種蘭原不礙當門。
暑餘陂水痕全褪，雨後遙山翠可捫。
把卷憑闌成獨笑，相看不異在丘樊。

錢宮詹蔗山出詠白葵長律次韵

色似摩尼委澗陰，枝如旌節碧森森。
柔荑映日吐奇彩，芳意向人吹素襟。
雲錦天機工組織，江山韶濩發清音。
南陔潔白身無媿，只有湘靈識此心。

感舊再疊前韵柬蔗山

樹杪涼風散宿陰
茶盃塵尾意蕭森
短衣舊隱山南霧
清唱曾題漢上襟
雨覆雲翻蕉鹿夢
鯨喙鰲擲海迦音
橫陳嚼蠟都無味
垂老惟餘獨往心

秋夜無寐讀六觀遺集撫卷泣然不覺達旦

適次張過荒邱話別口占奉送

詩名官職總因循
手把遺編望向晨
雲路故人歸

夜壑麻衣愛子去
江濱追思東觀存
淚謂桐塹花田澄

齋兼懷章之先生珍重南陔潔白身
吹笛山陽何限感送

君今日一霑巾

卷四終

餘園詩鈔卷五目錄

五言排律 共十七首

花嶼草堂聽雨

咏羽扇

咏香

早梅

葭灰

送彭直上閣學南歸省墓

集陳六觀黃門池上翌日出詩見示和韵奉東

再疊前韵柬桐塹檢討

撥悶三疊前韵

批家書後寄舍弟甸洋四疊前韵

擬玉泉山大閱應制二十韵

賦得煙輕柳未絲

斗室初得叢菊同沂少介賦雲字十二韵

以太和山萬壽籐杖贈徐畏壘在詩見謝次

來韵

雨中咏白蓮同查夏重賦

玉泉山大閱十二韵

大閱

卷五目錄終

餘園詩鈔卷五

孫昆燦校字

亭間繆沅澧南氏著——後學

沈德潛編輯

金志章

五言排律

花嶼草堂聽雨

靈霽萬方喜
楚人心慶長披襟
尋略行拖屐向滄
浪入夢非堪賦
名亭也不妨
柳含煙色軟
荷戰雨聲香
灑玉傾珠蓋
翻銀瀉石梁
翠乾盤白露
紅縛蕾生光
瀝浙迷孤淑
飄蕭共一鄉
絲絲抽菡萏
點點點密鴛
鴦高鶴側雲
下閒鷗戲水
忙三時猶晚

千頃已汪洋
縱目迎朝雨
揚眉笑夕陽
更須舒自得
誰可任相羊
瀰漫霏平沼
螭蜃潤遠岡
茅棚通水活
幽閣半山涼
遙碧瀝高嶼
重陰冠草堂
韻能鏗燕剪
調亦溷鶯簧
濕火移榴燒
鮮雲濺桂漿
好音托煙水
清籟勝松篁
我自甘雌守
人休怪鳥翔
何曾沾雨露
偏自惜衣裳
希聖心徒切
逃禅迹似狂
靜猶知用舍
時必有行藏
且伴山前雨
殷然謀稻梁

咏羽扇

曾度霓裳序
遙將朱鷺名
不愁如紙薄
猶喜似紗

明鶴斃經裁
瘦鴻毛着剪
輕墨翎存
鶴氣雪脊灑
鷗聲片片排
仙穎團團結
玉莖蓮衣颺
遠馥蕉葉妬
幽情隔笑
翩鬟出搖歌
縹緲生招涼
月在手拂
夢雨同清且
共綸巾畔
何須劇論兵

詠香

淡蕩吹瓊榭
氤氳護玉扉
博山雲冉冉
沈水霧霏霏
未掣歲粧鎖
先颺蛺蝶衣
曉愁芳意冷
夜逐艷魂飛
火重茱萸嫩
春融荳蔻肥
燿光籠隔院
花氣透重帷
薦耨將毋是
幽蘭或庶幾
雨中收艾納
露下滴薔薇
隔座荀郎去
褰簾韓掾歸
一叢尤馥郁

別種覺芳菲斗帳流蕪捲金堂睡鴨微可憐春晚
晚猶得夢依稀

早梅

野水寒塘外橫斜影漸西數枝歌石瘦幾樹壓樓
低霧白衆峰小霜濃一剪齊蹇驢寒畏出村酒薄
堪携搖曳風為態低昂絮作綈迴風扁獨鶴急雪
舞山雞漫興看魚鳥幽尋信杖藜小春開嫩蕊大
壑襯香泥野色浸荒牖寒雲結凍蛻香來空想像
月落絕端倪別有羅浮種都裁白玉梯含情依碧
砌索笑動金閨一似玉在璞如看女及笄偷春春

尚杳尋夢夢俱迷遲暮嗟荒隴颺揚拂大隄南枝
獨占早子已遍前溪

葭灰

條風寒谷轉萬卉已抽芽橐籥將重導隄持恐刻
差陽光真漏洩初氣未迷麻細吸非關琯微吹可
是茄占形完半律截角像覆了應候紛無算乘時
未有涯玉尺看調化青姨待放花崢嶸窓外荔鳴
躍樹頭鴉月窟契玄理天根駐日車庖羲如復作
子半可能加

送直上閣學南歸省墓

商洛川原古成臯沃野馨真儒鍾嶽瀆正氣肅風
霆地是南陽舊家留讀史亭弓裘方接武詩禮憶
趨庭通籍書千束圍腰帶萬釘賡歌聯玉陛錫宴
倒銀瓶報國心常凜憂時色每形自甘藜藿飽端
合鼎鐘銘兩浙輶車出三衢畫舸停絳帷春寂寂
官燭夜熒熒使者囊如水諸生戶盡扃經倉刪軋
茁文苑洗羶腥啓事趨丹地垂紳立御屏聲華
黃閣老官閣紫微廳碩畫楓宸重清言玉屑聆
生徒奉模楷師表肅朝廷直胆由中赤雙眸外
外青殿門崇副相講席空談經勇退高車疾踟躕

夜漏冥北山感猿鶴西土憶榛苓丙舍城隅在秋
田壤曲溥寵榮能落落去住自惺惺忠孝平生志
松楸九土靈隴雲常想像岡樹恐凋零屏當收禾
麥逍遙醉醪醑還家同社燕去國感秋螢訪道思
嵩華同塵混渭涇思回困軒冕何似樂郊坰老鶴
高摩漢間鷗靜刷翎蒲輪他日事穰邑有芳型

集陳六觀黃門池上翌日出詩見示和韻奉

東

曲徑行常礙方池小亦堪澗風涼起粟暑水濁如
泔瓜果陳瑤席魚蝦挈翠籃書摹蟬翼榻經啟錦

紋函拂拭紅籐杖婆娑白玉龕茶人頑似鹿酒戶
小於甌琢句心能險收書意最貪勝情宜綠野幽
夢繞蒲庵官熱門偏冷才高興更酣君真如健鶴
我嬾若眠蠶封事 朝廷壯移文澗壑慙籌時良
不易經術久相諳對客揮長塵留香覆古盃閒雲
看自淡塵事勿多談老樹埋殘照遙峰送夕嵐一
止堪采隱何必洞庭南

再疊前韵柬桐堊檢討

入世茫何益浮生嬾最堪只愁塵似海不散酒如
泔琴薦拋涼地蕉花萎翠籃半年疎茗會經月閣

碁函看竹頭陀寺尋僧彌勒龕家貧衣入庫童餓
米無甌自愛眠雲冷還虞酌水貪頭銜青瑣闥生
計白雲庵佳興逢禪悅狂言仗酒酣繡經同槁木
食紙類春蠶林木因緣在風埃面目慙露寒巢鶴
警秋老井梧諳花樣早時格尊彝愛古盃每辭王
令去徑就德公談有水皆沈碧何山不夕嵐別君
欲歸隱小築傍淮南

撥悶三疊前韵

樂托真無藉踈慵笑不堪涎枯蝸破殼汁盡米無
泔濕菌生書幌枯魚卧竹籃避人惟默坐答客有

空函墨沈新吟卷塵埋古石龕免豪歸敗塚柿酒
刺空甌讀易先占遯歌詩每刺貪伴行兩芒屨支
膝一機庵倦去思高枕憂來闌半酣窺燈憎黠鼠
作繭笑饑蠹道氣逢棋失塵容對鏡慙狂言常自
悔世態定誰諳古畫初張壁香爇別配盒步兵無
徑醉夷甫正須談風送秋來爽天澄雨後嵐放懷
何處好水北與山南

批家書後寄舍弟甸洋四疊前韻

自歎三宜反真成七不堪浮名愧雞肋鄉味戀魚
泔紫蟹盈溪斲園蔬剪箬籃嬌兒污筆格穉女弄

經函粉荔敷新砌紅蕉覆半龕狂朋常滿座美醞
可盈甌澗隱貧無愧巖棲寶不貪垂頭悔塵土失
意戀雲庵夜話天難曙秋眠雨正酣飛鳴同旅雁
纏裹任春蠶颺泊彌增愧文章未雪慚泥蟠屈蠖
喜露冷候蟲諳燭炧空盤淚燼昏古殿盒江臯思
舊隱海客富新談月暗黃埃色山低紫翠嵐無煩
勸招隱越鳥正思南

擬玉泉山大閱應制二十韻

簡閱當冬序 君王肅寢興雪晴山翠露風攬塞
河水虎衛天閑壯龍驤禁旅騰燕弧寧月影吳劍

割霜稜布陣魚目合連營雁翼登三驅熊豹變七
萃鸛鷺升驍騎諸陵盛材官六郡稱虬鬚鳴鏑早
猿臂射雕能聞外傳 綸綍師中各戰兢車徒勞
選擇步伐戒驕矜超距威誰敵穿楊力孰勝元戎
歸節制法從擁岡陵細柳皆方召長楊盡股肱合
圍沙似雨飲至酒如澗鮮割鞬鷹怒香清桐乳凝
歡呼山欲動拜舞路相仍干羽虞廷尚車攻洛水
興 一人揚聖武文軌萬方承

賦得煙輕柳未絲

宛宛長隄柳含情早占春望中青眼嫩低處翠眉

顰幕歷煙初捲迷離色可親柔荑如見指細葉暗
生鱗水以輕揚影樓頭轉側身停梭絲未理開鏡
黛將勻碧玉眠纔起鸞黃舞乍新攀條思往事橫
笛感芳辰鴉髻山如墨帶腰草似茵縱能縈畫舸
未解贈行人春淺濛濛雨車迴滾滾塵王孫縱歸
去攀折莫教頻

斗室初得叢菊同沂少介賦雲字十二韻

寥泐天容淡東籬漸策勳葢看如齒苞香漸吐氤
氲秋老濃霜褪風高落木聞駢頭光灼灼繞屋白
紛紛似浥煙霞氣如披冰雪文巖城初罷角別浦

正流雲燭炮枝常亞宵闌影乍不寒難支葛帔練
欲寫羊羣張翰歸徒切陶公酒未醺瀟清斷塵濁
冷艷絕羶葦祇可偕孤鶴還須伴此君悲秋有客
在遠夢繞江濱

以太和山萬壽藤杖贈徐畏壘在詩見謝次
來韵

簪頂三霄路炎天劒一枝過頭還踣跳入手更離
竒瘦硬雲霞滿蟠拏虎豹疑趨涼趨若脚冒雨過
砑慈大小砑慈皆
金頂最佳處笠屐全拋落偏提亦懶持倚空
隨鶻轉陡絕讓猿馳柱去看山好行來採藥宜浮

生如梗泛後會與僧期簪紱身如縛風沙密似篩
均房追昔夢襄鄧憶前詩兀兀胡為耳俵俵信所
之贈君君記取擲杖是何時

雨中咏白蓮同查夏重賦

水玉生無滓鉛華浴更鮮孤芳鬧紅外冷淡散絲
前對客疑擎月無人欲墮煙洗粧三日事夢雨一
生緣颭艷翻雲浪襜褕謝錦薦粉清常自喜汗漬
得人憐涼入銖衣薄遮憑翠蓋連汙泥尤不染露
灑一何偏冉冉嬌如語亭亭立自駢根株寒意足
池沼暗聲喧得種拈花地承恩控鶴年徘徊玉釵

夢颺忽蕊宮仙湛露何時澤炎塵著意湔霏微神
綽約膏沐出婵娟綠淨非無地風迴別有天冰絲
潛自織玉井舊如船染素多生誤訶香一朵圓幾
看漚意滅終笑色塵牽消得銀璣碎知他玉戲堅
到頭原不濕好處孰為傳愛此秋無際相宜雪滿
顛瓶中空草草江外正田田撤炬諸公寵為霖相
國賢老夫閒似雨終日戀芳妍

玉泉山大閱十二韻

禁籟凌青甸 行宮倚碧天忽傳 神武詔不癢
太平年七萃初介節三驅早着鞭風雲看合散天

地辨方圓氣攝金戈靜聲先壁壘堅雪晴狐兔匿
風定虎狼懸勝算踰韜略歌聲當凱還虎臣非閫
外 天子實中權憶昨三城遠親開萬里邊容刀
傳洛水銘石紀燕然事實同干羽功應異菱田禁
中慚頗牧空賦馬鳴篇

大閱

野曠金鉦合沙平玉帳鋪 一人親韎韐九校勇
馳驅鸞鶴知兵法龍蛇起陣圖雪光明組練寒律
勁雕弧鞬譯銷氛氣風雲入 睿謨不忘神武略
獨握 帝王符吉月將差馬先期已祭驅桓桓齊

步伐肅肅選車徒典禮因時舉櫬槍掃跡無武功
雖載纘文德久覃敷捷伐聲靈在韜鈴將相俱煌
煌太平業磐石鞏 皇都

皇都

餘園詩鈔卷五

餘園詩鈔卷六目錄

五言絕句 共三十八首

劍客和賈島韻

留別和崔興宗

秋日和耿漳

咏史和劉禹錫

怨詞和崔國輔

婕妤怨和王維

三閣詞和禹錫

秋風引和劉禹錫

輞口遇雨憶終南山和裴迪

晚發和賀知章

溪口雲和張文姬

蜀道後期和崔國輔

舍北林塘詩為狄向濤作

柳柴

詩夢草堂

響臻樓

杏花春雨林亭

海棠塢

櫻桃徑

漁唱亭

水木清華閣

淨香亭

橘鄉

雪堂

雙芝閣

紅笑亭

五餘軒

高靜閣

欵竹步

初日芙蓉亭

花梁

適適龕

石帆山

柯橋

曹山歸舟又成一絕

重過西興

長水橋夜步

七言絕句共一百四十一首

立春

南城春遊晚歸有作

大適軒銷夏和石湖二首

與前溪隱者

蓮瓣

寶城

月觀故址

游鐘山聽某常侍話啓禎事

池上偶成

早過清響園

書正林先生三入燕集詩後

書潘雪帆秭歸詩後

商正先生賑飢興化口占奉寄

題墨梅

紀夢

雪中東姚西夢

蔬食後甚飽有作

廣陵春遊竹枝詞

望菊花下

觀演天寶遺事

秋日廣陵雜興和綿津山人韻

前題和宋山言

正南是汪堯峰先生著書處

茅村

娥江舟次雜用滄浪集中韻

樵風涇述所見

古八仙塚

偶題

謝敷宅

野泛

曉起望卧龍山

書拜鵑詩後

塘西悼金介山呂山瀏

送梁藥亭

書昌平志後

別舍弟甸洋

東平曉行

冰床

聽田山薑先生話黔南山水之勝

題漁洋先生放鷓圖

仗劍圖

題楊次也空同詩卷

贈宮友廉

題如臯冒樸菴相馬圖

飲葡萄酒醉後有作

觀畫畢有作

採蓮曲

寄友

題道旁松

清吟堂食海白菜

臘月十二夜同狄向濤願書宣兩前輩泛舟
 山塘月霽風恬夜遊如晝冬游如春酒半
 陟止餘興未已更就茶肆張燈火理絲竹
 極飲大歡書宣有一段新聞傳說去有人
 臘月做中秋之句各題斷句壁上古東坡
 詩云涼天皎月即中秋豈知吾輩冬闌尚
 有此豪氣臘月做中秋此樂惜不令坡老
 知之

秋日過聖安崇效二寺和商止先生原韵
 飛花詩和陳魯起十首

口占別宋蘭揮
 題吳七雲晚香圖
 東南書屋話舊

書事

雜憶

姚亭即事和鄂宮詹韵
 題畫

餘園詩鈔卷六

孫永熙校字

亭間繆沅澧南氏著後學

沈德潛
金志章編輯

五言絕句

劍客和賈島韻

淬鋒初化魄秋水薄難試贈君一片心
割截瑣碎事

留別和崔興宗

別淚滴殘霞
分手雲霄上
山下迴小車
一步一惆悵

秋日 和耿津

孤岑冷碧蘿寒
蟄寂不語松根
劉茯苓雲葉生
幾

咏史 和劉禹錫

君王工夸詐
自習偃師戲
堪笑穆提婆
尚勸進高
位

怨詞 和崔國輔

郎欲歌涉江
石尤風大作
還君紫羅襦
薄命不堪
着

婕妤怨 和王維

秋風團扇捐君恩
日復疎願為霓輶
不願待蠻

輿

三閣詞 和禹錫

大賈駕高舩
破浪來蔣州
儂臨三閣望
煙波正悠

悠

離

三閣何所有
紫燕巢盡楫
取次種石榴
結子影離
魚

魚

秋風引 和劉禹錫

浦柳鏤寒翠拆散鷗鷺羣前峰作秋雨故人聞不聞

輞口遇雨憶終南山和裴迪

微雨耿遙夜輞水結竒彩王官谷口煙何人颺渺在

晚發和賀知章

空林多虎嘯虧蔽聞疎鐘上山見明月下山見紫峰

溪口雲和張文姬

溪水何潺湲溪流自吞吐至今溪上雲半作溪中

雨

蜀道後期和崔國輔

曉宿丁東院三巴第幾程經過屈原墓回望秭歸城

舍北林塘詩為狄向濤作

柳柴

將家南垞旁卜宅歌湖口無數赤欄橋一叢水楊柳

詩夢草堂

日華嗟吸霞獨上大羅天喚醒詩人夢一聲風柳

蟬

響臻樓

微風閣疎雨清響悶簾櫳
褰帷滅明燭月上聞秋
蟲

杏花春雨林亭

深巷雨聲頻朝來露蕊新
明珠將翠羽一段可憐
春

海棠塢

微酣頰暈生倭髻露盈盈
十幅鴛溪絹徐熙寫不
成

櫻桃徑

朱櫻顆顆垂珍禽弄清樾
斜日淡疎林半堆紅靺
鞨

漁唱亭

煙波舊釣徒風泉雜清聽
罟愛白蘋香琉璃一千
頃

水木清華閣

商飈淒戶庭水木露華晚
閣外鯉魚風菰蒲寒潦
減

净香庭

當畫臙脂嫩紅蓄錦段張明粧看佚女風起顛釵
梁

橘鄉

霜信飽黃柑霏霏香霧含封題三百顆何必洞庭
南

雪堂

夢覺聞騷屑竹風時捨門浮蛆傾一盞坐愛地壚

溫

雙芝閣

涪翁瓊田草蘓子青珊瑚雙芝如可食蜜藕和雞

蘓

紅笑亭

婪尾盃同把遨頭蓋正賒砌旁閒佇立紅笑一亭
花

五餘軒

垂簾日掃除茶具淪精廬趺坐無餘事清泉讀道
書

高靜閣

平生五嶽懷寄此一卷石高雲靜不流蒼蒼古苔
積

款竹步

親種碧琅玕
籜筴弄清影
借問輞川人
何如斤竹嶺

初日芙蓉亭

行過竹廊下
荷風生曉涼
胡床俯流水
萬柄白蓮香

花梁

石梁足徘徊
繁華共斟酌
數仞碧玲瓏
一條紅略約

適適龕

勞生大火聚
何如清淨退
適適一龕中
跏趺入三昧

石帆山

洞長龍鬚竹
岕荒鴨脚杉
石帆山下路
小頓倚長鏡

柯橋

歸鴉落遠汀
殘照餘衰柳
何處峭寒生
西興斷磯口

曹山歸舟又成一絕

拱揖萬峰清
寒雲戀犬亭
待尋唐義士
遺蛻指冬

青

重過西興

衿上酒痕滿天邊素月孤獨搖黃篾舫歸自賀家湖

長水橋夜步

渺渺獨愁予天風蕩碧虛難尋父史跡何處野王居

七言絕句

立春

偷春勃勃竹籬斜玉戲迷漫漾隔紗巧與梅粧爭

開勝眼前五出是春花

築岱斑斕笑土牛田家新釀碧盈甌直從青帝東風駕盼到綠秧紅稻秋

南城春遊晚歸有作

陡峭斜風亞竹扉春寒未脫木綿衣歸途好趁惜騰醉月暗空簷蝙蝠飛

大適軒銷夏和石湖二首

含露朱花漸拆苞香生茉莉度良宵輕雷隱隱渚風起夢到碧欄紅板橋

日課園丁種菜畦無心采隱遯成肥老僧洗鉢露

華晚手折青荷包飯歸

與前溪隱者

草堂與爾共朝昏禁足何曾一出村猿鶴瀟清魚
鳥適山中惟有道人尊

更無襍穢客來尋一广相看萬广深山月又明風
又起空潭水觀洗人心

蓮瓣

一瓣仙雲落小園紅香狼藉斷柔魂自從蓮浦人
歸後猶帶妖姬指爪痕

寶城

牧豎眠牛是帝家太平何必在桑麻寶城一片風
流地只許千秋人種花

月觀故址

月觀何年返舊觀岡頭雲鳥恣清寒絳都仙女今
何處秀色依然尚可餐

游鐘山聽某常侍話啓禎事

白頭宮監話長陵黨禍清流勢漸成故事平臺章
奏在赤蛇甘露總心驚

麻衣幾輩泣霑巾往事燕山記甲申得傍思陵遺
蛻葬寺人中亦有奇人

謂王承恩

池上偶成

真說鷓鴣別一洲愛蓮愛子各風流青荷傾蓋深
相泥忘却黃鶯在上頭

早過清響園

趣有片雲遮烈日過溪行立愛層陰清涼直是吾
家事除却清涼無外心

書正林先生三八燕集詩後

倦游忽唱定風波人壽河清歲月多天上桃花秋
不老吹笙復渡此銀河

書潘雪帆秭歸詩後

彝陵南去霧冥冥雨後山光未了青一丈石幢四
百字赤地遺跡詎凋零

商正先生賑飢興化口占奉寄

御風騎氣到滄溟海鶴高翔去遠汀十幅蒲帆疾
於鳥亂鴉殘照過淺亭

三閭祠後白波圍楚將廟前紅樹稀怪底墟煙寡
落甚鄉人半化冷鴻飛

滄浪亭上濯清流又向滄浪暫艤舟

昭陽有難訪滄浪亭

宗生方咸棲隱處半間茅屋百花洲

題墨梅

斷墨零紈冰雪枯千花萬蕊影模糊驀然記起江
南事王冕當初舊畫圖王冕會稽人自題畫梅云
無人可論江南事小引春

紀夢

香焦酒冷夢慈親往事悲哀各愴神彈指十年容
易別書燈黯淡結青燐
楓林相見恐兒飢石火旋敲為作炊瘦怯面龐全
不改依稀記得下泉時

雪中柬姚西夢

大雪迷茫煙樹昏晚來看雪作雲屯燒書焚硯翻

無事如此寒天合閉門

姚合疎狂詩興濃如何握手失殘冬相思薄被桐
間宿不及同聽西寺鐘

蔬食後甚飽有作

土酥甘脆佐朝餐白芥青松滿食單也與何魯同
一飽雞豚無味莫堆盤

廣陵春遊竹枝詞

夢雨靈風那足誇春工特為洗鉛華嫖姚何地無
顏色偏落揚州一片花

望菊花下

餘園詩金卷之二
絡索殘香猶戀枝
明花暗月影離離
小籬露濕孤岑冷
宵沒秋煙人醉時

觀演天寶遺事

法曲人間未渺茫
檀槽一夜響悵悵
海青罵賊龜年去
各有琵琶答上皇
獵火光中一串歌
千年舊淚滴銅荷
朝元閣裏無消息
殘序霓裳託李暮
芍藥亭荒更不春
宮人入道也傷神
海山久已餐霞去
猶把塵心哭太真

秋日廣陵雜興和綿津山人韵

銅斗洗洋唱未休
雨聲篷背響颼颼
劇憐聽雨孤篷客
冷醉閒吟倚柁樓

青霜陣陣糝楊枝
搖落秋心與客宜
不道鬢絲禪榻畔
重賡好句杜公司

遙山幾點如潑墨
螺髻碧玉交相圍
定携蓑笠造絕頂
孤鶴傲岼誰能鞿

江湖載酒憶當年
一葉漁舟舞巨川
曾向邗溝賦秋月
銷魂少此一回圓

木瓜霜後碧初勻
滿樹纍纍江水濱
小摘青磁聊位置
湘簾不捲看橫陳

倉浪亭子堆蒼苔秋花籬落千叢開
西草堂昨夜雨更有何人問菊來

瓦盆送酒隔籬聞銀蠟裁詩贖五介
吟罷吳楓冷江上滿城落葉正繽紛

香凝燕寢意閒閒公事初酬塵事刪
畫手不教寒具浣溪山雨霽看衡山

前題和宋山言

惡木鄰園已盡芟籠煙露竹映松杉
抽身獨背琅玕望古渡橋頭數落帆

平山原是詩人地古墓荒煙露慘悽
憶向春泥澆

濁酒水泉鳴咽蜀岡西

正南是汪堯峰先生著書處

山光塢影尚嶙峋遺築正南野水濱
草沒垣衣何限感乞花塲上弔詩人

先生自題所居曰乞花塲

茅村

絡緯啼殘夜有聲野航浮泛不勝情
葦燈竹斲村童語潮落沙灘見蟹行

娥江舟次雜用滄浪集中韻

四周山滑一溪清展卷滄浪遠寄情
煙際日乘黃篋舫紅泉綠澗苦吟聲

食言金卷六
失道蒙茸事亦奇，盲僧笑問客何之。
嶮岼怪石樵人語，日暮空山說虎時。

崖歌壑冷長踈苔，巖窠巍峩勢劈開。
不米不黃山數點，公然撥翠送青來。
漫堂有米不米黃不黃之句

不斷登登伐石聲，鳥門山外客閒行。
深潭無底碧流滿，石罅一泓宜晚晴。

兼旬小舫泊山陰，興到尋山倦即吟。
釀雪未成寒雨密，半河疎響洗人心。

樵風涇述所見
一翁持楫弄潺湲，一姥中間擁髻鬟。
莫是前山朱

隱士采樵遇雪送妻還

古八仙塚

廣陵散絕少人彈，澗水猶聆玉軫寒。
日暮八仙墳畔過，淒涼難遇古伶官。

偶題

子猷山後空喬木，虛汜橋邊噪暮鴉。
廢宅於今萬櫓滿，斷碑尚記沈青霞。
沈鍊著青霞集

謝敷宅

遙天笙鶴萬峰青，石厂週遭霧雨溟。
今日吳中高士少，不愁月犯少微星。

野泛

道士莊前尋賀老辨才閣裏訪蘭亭却憐芳躅已
銷歇日暮鴉船雙槳停

曉起望卧龍山

蜿蜒遺蛻隔崔嵬鏡水嵇山絕點埃不是玉皇香
案吏一旬偷住小蓬萊

書拜鵑詩後

亭臺易主詎堪登俯仰河山感廢興足稔文人關
係重百年手澤有青籐謂田水月故宅

感時危諫語從容遣戍宣州路萬重多少委蛇漢

晉者總無面目見

集中於姜貞毅事辨之最悉

名士從來能誤國漫將文李比金沙魏敏祺以文李真州時事

為金沙湔洗且有天下名士無顏色之句集中辨之最力只今露布文猶在凝

碧池頭日漸斜

鐵衣秋冷草蕭蕭芻糗輸邊響剪刀吳淠已降兵

未息滿天烽火陣雲高余讀先生戊午雜興詩因別有所感

如家一語足心知君看西市只如家君弔楊忠愍詩上谷遙尋忠

愍祠寂寞左楊遺廟在要君重為補題詩二公祠在江左

而君集中無詩

絳雲樓閣水潺潺浪肆譏訶亦可刪隻字陽秋歸

論定竟將江總比虞山君評錢尚書云爾

鹿馬紛騰講席塵戴山書院久荆榛南雷尚有姚

江叟不愧忠端一後人集中黃黎洲先生文集書後詩

辨香稽首演金乘箬笠機鞢興可凭天壽山南將

祝髮勝他雲水百千僧聞有祝髮山中之願

平生踪跡雜傭保二十年来識者稀今日把君埋

劍句桃花秋水有餘輝集中咏劍有濁世今無可贈人之句

白髮半肩埋照客田君梅岑集名青山幾處拜鷓身先生大集

名買田江岼能娛老謂傳公争羨清時兩逸民

九日江城噪暮鴉荳棚疎雨滴秋茶相憐一榻蘆

花被旅食城東道士家蘆花被荳葉聲皆君集中詩

空舫峽接黃牛峽兩地詩歌最擅場更入蝦蟆峽名

叫竒絕金棺鷄子皆峽名恣翱翔諸峽集中皆有詩

屈原塚上墨痕殷錢起新從劍閣還二十餘年身

未到夢魂應戀秭歸山君有送錢生至夔州詩

青鎖苔埋塵漠漠寶衣兔攫影羅羅銷魂讀罷宮

鈎賦惆悵聞君紅豆歌紅豆為周謳者賦

獵火關山暗寢門故宮禾黍已無存頻經天壽諸

陵望酌酒悲歌楸樹根集中登天壽山詩最夥

詩篇哀怨續梅村一曲青門感慨存集中有讀蕭史青門詩四

章朱戶玉襦驚尚在口脂面藥劇銷魂

夷光鄭旦一村住二妙風流亘古今謂拜鵲埋哀

集千秋大業在使君真識布袍心太守公有啼痕

塘西悼金介山呂山澗

一聲款乃日沈堤纔過苔溪又雪溪吹笛山陽寒

草綠詩人零落古塘西

送梁藥亭

既無鍾乳三千兩絕少鱸魚四十雙歸計輸君真

勇絕一帆鴨綠認家江

書昌平志後

黃沙白日冷泉臺奉帚才人入侍回闕火陰房空

想像橋山弓劍已寒灰

胥井敗垣增感慨羅襦殉玉向山阿堪憐地下回

心院翁仲雲迷狐兔過

別舍弟甸洋

莫灣東望雨絲絲執手鷓原悵路歧拚得如泥吾

醉卧夜闌不記解維詩

東平曉行

汶水湯湯抱郭流魯陰桑柘散平疇雨鈴風鐸殘

春夢又上疲驢踏晚秋

冰床

碾空一色白於綿共躡飛輪嘯晚煙凍合琉璃三十頃恍然夢入大羅天
宛與孤雲同蕩漾還同白鷺共襜褕支磯石畔遙相問可是乘槎碧落時
寒色晶光沁骨清人間不用訪蓬瀛御風騎氣吾何敢且莫拖泥帶水行
霜落潭空朔氣澄遙灘逐隊影稜稜小兒疾走真無謂曾聽前賢戒履冰

聽田山薑先生話黔南山水之勝

枕榔杖底夕陽斜
狡狴村前鳥跡賒
想像題詩鸚鵡寺
藤梢橘刺苦斜搗

巔上花鬢疊似螺
紅酣白糝一山窩
八驕初入黔南路
白水巖前好放歌

鐵索橋南感廢興
粘天拔地勢峻嶒
瀾滄江上山如錦
小李將軍畫不能

蘆笙夔鼓鬧城闈
夔女番童翠鬪新
跳月搖鈴好風景
奢香驛裏看迎春

簪花傳粉亦何堪
逐客佯狂滇水南
誰向碧峽雞簾裏
手澆蠻酪弔升庵

食園言金卷六
二
讒言貝錦苦排擠一代知音是晉溪
箐黑雲黃飛瘴雨陽明祠外草萋萋

綠如么鳳黑鴉軍如此江山駭夙聞
白馬渡前延竚立一叢鸚鵡戲紅雲

藤芒鬼帶刺人衣笋迸龍奴竹幾圍
譜出辰沅風土志如拳黑蝶傍巖飛

侵曉郵籤紀路程槐花驛裏病蟬聲
愛他猺叟聲如罄者卜河邊相並行

迷離踪影立高峰杖策西行路幾重
萬古山川笑行脚神仙癡絕是三丰

題漁洋先生放鷗圖

照影碧潭同耿介刷毛琪樹共婆娑
開籠放霧白雲滿昨夜故山歸夢多

忘機久矣狎冥鴻閣外初弦月似弓
盡把閒心托閒客小軒秋氣逼孤桐

仗劍圖

目瞑鬢哭殊多態五嶽胸中自不平
說劍縱橫人識否靴刀怕手一書生

還衣短後束兜鍪腰下珊瑚半寸鈎
肯把太阿輕一擲當初原不欲封侯

題楊次也空同詩卷

朝那西望翠峒度隴穿岷路未遙愛爾風流狂
太守獨携絳節上青霄

中台迢遞接東台玄鶴摩雲翅大開獅子窟中小
延佇可曾親見廣成來

阪泉列陣勢詭竒掣電轟雷又一時今日山中小
麥熟道旁枕席過王師

贈宮友庶

嵐雨似絲還似綫湖波如玦復如環哦君秀句飢
能療恍聽漁歌西塞山

單居度盡可憐宵憔悴苦廬鬢髮凋咏夢不成還

咏淚紙窓窸窣總無聊咏夢咏淚二詩集中必傳之作

鯉趨能使精文選鶴和無慚咏雉生駭絕射潮江

上句君家雖鳳有清聲令子書聲昆玉俱能詩

石鐘屹立水潺潺長句遙題蒼茫間日暮神鴉來

送客蘆花風裏過鞋山

十八差些十六多女兒爭唱竹枝歌漢江江水胭

脂色不及儂家兩頰多起句即君集中語

駢駢駒隙影難鞿又是歸田歲暮時夕酒三杯午

夢醒勘完甲巳六年詩

食園詩金卷之
五
題如臯冒樸菴相馬圖

諸葛陂前芳草多渡瀘年少負雕戈
尔明一幅丹青裏寫出元封天馬歌

衛玠丰神冰雪姿綠楊初映濯龍池
當年王謝依然在想像揮毫倚馬時

珠履三千書五車平泉水木自清華
只今庭榭荒煙閉猶說原嘗四姓家

飲葡萄酒醉後有作

一院秋聲蟋蟀高傾來名酒是葡萄
閒評漢後詩人作深粹冲融愛阮陶

觀畫畢有作

繚青飛翠滿雲阿讀畫樓前風日和
汚手莫愁寒具浣研山忽作小陂陀

採蓮曲

紅藕絲邊繫小船日蒸花午宿香煙
綠萍一道誰衝破索笑難尔便面蓮

寄友

風旛颺墮總微茫初地難焚一瓣香
向晚懷人煙樹裏望窮芳草立斜陽

題道旁松

虬枝鐵幹過雲長空翠盤挈覆古塘老盡龍鱗忘
歲月居人約略說齊梁

清吟堂食海白菜

碧於莢葉滑於蓴下豉芼薑味潔清不是冰壺閒
譜系金莖新賜 御厨羹

臘月十二夜同狄向濤頤書宣兩前輩泛舟

山塘月霽風恬夜遊如晝冬遊如春酒半
陟止餘興未已更就茶肆張燈火理絲竹
極飲大歡書宣有一段新聞傳說去有人
臘月做中秋之句各題斷句壁上昔東坡

詩云涼天皎月即中秋豈知吾輩冬闌尚
有此豪氣臘月做中秋此樂惜不令坡老
知之

小塘孤艇影濛濛踏月齊來上碧空清冷石臺偏
露罽蓬山不怕最高風

掃除臘意換春妍玉府清虛化紫煙忽地山空人
去後一行燈影塔門前

誰從鬧境闢清幽松影盤挈盡翠虬緩緩喚回塵
土夢玉虛來伴老仙遊

昨宵酒暖玉纖捧今夜月寒珠斗斜殘歲霓裳從

乞得玉簫嘹唳響箏琶

秋日過聖安崇效二寺和商正先生原韻

停雲回憶殿西頭種樹參天翠色幽五十年來一
彈指松聲解帶復勾留

茶瓜鎮日挹清芬槐老秋荒又夕曛靈鷲飛來何
處所旃檀香已離知聞

讀畫看碑歸去遲冷雲殘照有前期上都韻事先
傳播爭榻山公五字詩

飛花詩和陳曾起十首

何勞剪刻費春工此別無由返故叢總是妖紅易

拋擲不關搖落有東風

苦被天邊花信催濃春一去喚難回風歌露委無
聊賴爭忍重過陌上來

看成妖艷又悲涼旋拂青苔過粉墻十五盈盈初
嫁與而今何忍別王昌

風光觸迓苦吟身流水桃花愴夙因剗地狂風都
掃盡武溪重到已迷津

燕山三月亦飛花鈿鼓雕鞍一道斜一種傾城好
顏色隨風何苦葬泥沙

無復珠簾捲畫橈也無春水赤欄橋軟紅十丈花

狼籍旋墮輕塵已旋消
風前瑟瑟鋪溪碧雨後斑斑蓋地紅
舊袖女郎閒指點一堆春恨夕陽中
一片愁紅寫折枝可憐春去已多時
韶光晚晚東風緊待得花飛已較遲
籬邊猩血浣芳茵天半穠桃尚照人
共道野花易開落讓他芳樹禁垣春
曉陌歸當隴曉時滿衣塵土馬行遲
閒垂鞭袖街西過猶戀野棠如雪枝

口占別宋蘭揮

蘭江盡處楚雲低一路看山信馬蹄
總是湖南清絕地辰溪過了又瀘溪

題吳七雲晚香圖

秋綠橫窓意闐然松風亭院坐神仙
三層樓上陶弘景白日青雲在眼前
森森幾束黃金穗艷艷一枝紅拒霜
詩人不遇吳懸水世上無人愛晚香
瘦菊叢蘆最有情青霜籬落澗邊生
因君長觸瀟湘夢細雨蘭江採落英

棗南書屋話舊

浮嵐軟翠繞千重三泖橫雲接五茸耆舊年來凋
謝盡海山歸去是何峰

與緘齋訂交于華亭王司農席上

應劉逝後幾經秋客散青門履跡稠今日花開倍
相憶一聲鄰笛管人愁

往時與趾舉以時叔度皆有咏棗花詩

書事

骯髒真成率爾人秋來面骨失嶙峋八騶朱雀航
南路只愛車中七尺身

雜憶

戟門花影鎖蕭晨小閣霜鐘遞響頻憶得卸頭燈
下坐閒拋骰子卜歸人

手沾薇露氣幽馨百和薰來繞翠屏憶得蜜香牋
似玉簪花小楷寫名經

幾年冷落鬱金裙淨業修持總為君憶得黃昏香
一炷長明燈下禮迦文

姚亭即事和鄂宮詹韵

文窓窈窕日初斜蘚色侵堦徑覆沙曾是 先皇
巡幸地茅茨不剪露雲芽

月地雲堦想像行宮車去後草還生秋花一朵殷
紅色苑樹龍葱不記名

山色溪光清淨身白頭宮監意相親峰腰指點紅

蕤草黃幄中間坐 聖人

嗚咽泉聲繞曲臺鼎湖龍去有餘哀小臣親灑橋
山淚獨抱遺弓首重回

題畫

九千仞外碧夫容煙際遙聽下界鐘他日容成會
相訪只將雲海盪心胸

餘園詩鈔卷六終

書餘園詩鈔後

古來說詩有如三百詩人之說之冷然善者乎吹
而來飄而往動於無有竅於萬有不齊之聲而忽
歸于無聲無動者風風其噫也詩人能微而顯之
而於詩乎言風天籟即人籟也于風乎悟詩言非
吹而亦吹也則如崧高之以其風肆好言詩也烝
民之以穆如清風言詩也其妙於言風乎乃其妙
於言詩乎乃其妙於遇詩於風而風其詩於出窈
入冥者乎吾讀澧南先生之詩而覺其以風風人
者遠矣先生之喜氣而吟也則煖然春憂愁而歎

也則淒然秋其順氣而歌也則融融然和以平或
得風而族行如雲或得風而波如水或得風畏佳
如山或得風而致如高花或得風聽遠如異鳥或
得風調調刁刁如穹林光荒如孤月此亦吹萬不
同之大較也而先生之詩在焉禮曰八風從律而
不奸風何律乎方乃其律時乃其律也詩則律之
於情性聖人能以其性情順天地氣故風斯從律
否則為奸為恒詩其從可知與顧詩何為而風耶
跡如無聲臭之天載可測乎神聽之和平可知乎
而帝謂而鳥言而螺贏之教誨而萋楚之室家孰

聞之而孰在乎風之若有若無豈不然哉莊周曰
樂出虛詩亦從虛出也穆如其遊於虛乎肆好其
虛而委蛇者乎天地盛德尊嚴之氣煦之于太空
蓬蓬之中而時出之時入之以神其生長收藏之
用于不窮惟詩人知之吾讀澧南先生詩而悟三
古之風之去人未遠也年眷姪劉方藹謹書

Large stylized watermark or seal impression, possibly reading '圖書' (Library/Book).

Small square seal impression, likely a library or collection stamp, containing characters in seal script.

Small vertical text on the right edge of the page, possibly a page number or title fragment.

